



La malice & hypocrisie des Scribes & Pharisiens, est manifestée par Iesus-Christ.

DES V S parlant au peuple & à ses Disciples, dist; Sur la chaire de Moyse se sont assis les Scribes & les Pharisiens; donc tout ce qu'ils vous diront, gardez-le, & le faites; mais ne faites point selon leurs œuvres, car ils disent & ne font pas; ils lient charges pesantes & insupportables, & chargent sur les épaules des hommes, ce qu'ils ne voudroient mouvoir du bout du doigt, & en verité ils font leurs œuvres pour estre veus des hommes, gardez vous d'eux. Ils aiment les premiers lieux aux Cenes & banquets, & es Synagogues, & desirent les salutations en public; & toutes fois ils deurent les maisons des veuves, sous ombre de fausse & longue oraison; ils en receurent plus grande damnation & iugement. Ils aiment estre appellez Maistres, mais gardez-vous de faire ainsi, car vn seul est vostre Maistre, & vous tous estes freres, qui auez tous vn Pere aux Cieux. Celuy qui s'esleuera, sera rabaisé; & qui s'humiliera, sera exalté. Aussi Iesus donna plusieurs meledictions aux Scribes & Pharisiens, leur reprochant leur hypocrisie, & qu'ils ferment le Royaume des Cieux aux hommes; car ils n'y entrent pas, & empeschent les autres d'y entrer.